



**RESOLUTION NO. 202122-1
EKKWE SUKUUN MEI TUMWUN ME KETIWÖCH**

Pwun än Salem-Keizer Public Schools we Board of Directors a fin meren aramas ar repwe ömwökütü me akkota masowen ekkun fansoun faniten ach kei sukuun non Salem-Keizer ren ar tumwunu ekkewe önnukun sukuun me anapano mwökütükütün sukuun mei emweni än chon sukuun meinsin non mwichen K-12 repwe söpwöch non ar käeö; me

IEI MINNE Salem-Keizer Public Schools a pwon pwe epwe awora nenien käeö mei nomw fän tumwun me mei ngeni än chon sukuun kinamwe pwe ar ekiek epwe chok fót won ar käeö, me nukunuk non ewe poraus pwe nupwen ewe kinikin epwe awora sukuun mei murino ngenir, epwe pwan awora sakkopaten tumwun me pöchökun; me

IEI wewen ei pwon pwe än ewe chon sukuun söpwöch esapw chok ew esisin ika ew finata anóngónóng won menni fonuwer, ia ra feito me ie, an namanam, sókkun ika ew mwichen aramas me úfan ufëufen an namanam, an tongeni, met sakkun pisekir ika fite moni mi wor rer, an tongeni mwökukutukut fetan, kapasen fönuwan, iö re sani ika tongei (mwan are fefin), an immigration status (ifa ussun an tonong non Merika), an nuku pwe ii emon met (mwan ika fefin), ika ükükün an sine nupwen an tonong non sukuun; me

INA MINNE ewe school board epwe achocho ne tumwunu än chon sukuun kewe pwüüng, pachonong ar kewe pwüüng seni ewe Fourth Amendment ar resapw nomw non chosa ese wor popun ika angei senir pisekir me epwe mwumwu ngenir ar repwe fiti sukuun ese kamö; me

PWUN ewe school board mei nuku pwe än ewe federal immigration law kewe mwökütüküt non ekkewe sukuun non Salem-Keizer, won ekkewe anen toraku, won nenien ewe kinikin me atun än sukuun kewe mwökütüküt mei tongeni osukosuka an esapw pwonuweta än ewe kinikin epwe awora neni mei tumwun me ketiwöch me osukosuka än ekkewe chon sukunen Salem-Keizer kewe pwüüng; me

IEI POPUN ewe school board ese mwutatä sakkopaten napanapen eimwumwu, kapasen koput, kapasen esiit, pachonong nifinifin ika awora eimwumwu ngeni ew sokkun mwichen aramas me ufeer ufëufen ar namanam, ämängaw ika föri och föfför mi ngaw me mwen an epwe fiti ew gang, turunufas, enniw, afaani ika mesani, mesani won asepan ika eniwokusu chon sukuun; me ekkewe semirit iir mei nomw non nenien fitikoko me osukosuk netiper resapw mefi kinamwe me epwe weires ngenir ar repwe käeö me sine; me ekkei sakkun semirit mei osukosuk non manawer ra pwan tongeni osukosuka ekkewe ekko chon sukuun, ekkewe mei mwuk me won ewe nenien sukuun, me ekkewe aramas re kan etto anisir; me

IEI MINNE ewe school board mei weweiti pwe an kofemen kewe fansoun me met ewe mei keran fis mei aworato nuokus me noninen ngeni chommong chón non ach kei kinikin, me kich mei fori wisach ren met sipwe fori ngeni me awora tumwun mei murinno ngeni chon angang, chon sukuun me famini ach sipwe awatenoi an epwe wor forsefan, tipe-ew, me chäsefan non ach ei kinikin;

IWE, FANITEN ENA, EPWENE IEI PWUNGUN än sukuun ewe board mei witiwiti än ewe kinikin epwe fori mettoch meinsin fän an pöchökun non an önnuk, iwe a sinei pwe ewe district epwe fokkun tumwunu mwónómwónun porausen chon sukunen Salem-Keizer meinsin me epwe pwan tumwunu pwe ekkewe ponisin immigration resapw angei ekkewe chon sukuun me non ar kewe nenien käeö, pachonong ekkei mei tettenitiw fan, nge esapw chok ikkei:

Ei kinikin epwe sopweno an esapw eis, angei me isoni porausen ifa ussun än ekkewe chon sukunen Salem me Keizer me ar kewe famini tonong non Merika.

Ese iän met tungor mei feito seni emon ekkewe ponis seni federal immigration (a) an epwe tonong non ew än ewe kinikin kewe sukuun ika än ewe kinikin kewe ekkoch neni, (b) an epwe poraus ngeni iö chon sukuun nupwen iir mei nomw fan emwenien ewe kinikin nupwen ar sukuun me ika iir mei nomw won ekkewe sein sukuun, ika (c) ren ese nifinifin sakkun poraus faniten ekkewe chon sukunen Salem-Keizer epwe muttir nó ngeni nön ewe kinikin we legal counsel ika lawyer.

Non ach sipwe pönuweni ekkei tungor, nön ei kinikin we legal counsel ika lawyer esapw wauu porausan ika awora än emon epwe tour ngeni ekkewe chon sukunen Salem-Keizer tiwan chok ika pwe mei mwumwuta me non önnuk me epwe öuröra ewe kinikin an epwe tumwunu än ekkewe chon sukuun kewe pwüüng. Nön ei kinikin we lawyer esapw mwut ngeni ekkewe ponis repwe churi ekkewe chon sukunen Salem-Keizer tiwan chok ika mei wor nör arrest warran seni mwunap ika ewe souköpfungün state ika magistrate.

IWE A PWAN PACHONONG nge ewe kinikin epwe awora training me sopwosopwun poraus me aninis ngeni ach kewe kumien aninis non fansoun osukosuk me weiweitan atapawan pwe sipwe enukunuku pwe nouch kewe chon sukuun non Salem Keizer iir mei osukosuk ren met ekkewe ponisin immigration mei fori ngenir; me

PWAN EW ussun met mei affat me non ach kewe önnukun ach ei kinikin (Instruction-A003) pwe nöuch kewe sense ika chon angangen ach ei kinikin repwe fokkun katonöch ika mei wor angangen eimwumwu, nifinifin, fori än emon epwe föri och föfför mi ngaw me mwen an epwe fiti ew gang, turunufas, enniw, afaani ika mesani, mesani won asepan ika eniwokus; nöuch kewe sense ika chon angang ra sinei me föri pwungün ach ewe önnukun ponisin nukun (Instruction-A035), esapw ponisin non neniach, pachonong ekkewe ponisin immigration iir mei tonong non ach kewe sukuun, me ewe önnuk (Administrative-ADOS and P008); ren ifa ussun ach sipwe anganga nan mei katonong; me

Meinisin nöuch kewe sense repwe osufönu me kirökiröch ngeni nöuch kewe chon sukuun meinisin, me achocho ngeni ne awora neni mei tumwun me kinamwe ngeni chon sukuun, famini; me

Ewe meinap epwe tumwunu, föri, poraus won, me föri pwungün ekkewe önnuk me öurör mei tumwunu ew öreni mei öch, mei apachanong meinisin, etawa me apwapwai ekkewe sakkopaten aramas me ar kewe nuku me non ach ei kinikin Salem-Keizer; me

Ewe meinap epwe eppet ika siwini ekkewe nónomw, önnuk, mwökütüküt, ika memef mei atai önnuk, mei mwän, ese tumwun, osufönungaw, aosukosuk, ämwäningaw ika atai önnukun ewe board ika kinikin; me

Ewe school board ika mwichen soupwung a achocho an epwe fori ika siwini ekkewe önnuk me öurör mei eweiresi me eppeti än chon sukuun kewe pwüüng me ar repwe angei öchun sukuun, me repwe pwan enükünükü pwe epwe chok nönnöpök än chon sukuun meinisin repwe angei pekin sukuun me aninis, ese pwan nifinifin menni mwichen aramas ra feito seni. Ewe school board mei weweti weiresin ekkewe chon sukuun iir mei feito seni ekkewe ekkoch mwichen aramas faniten ei men nifinifin me eimwumwu. Ewe school board epwe kutta anen an epwe ataieno angangen nifinifin me sakkopaten napanapen eimwumwu. A pwon pwe epwe awora ew nenien käeö mei murinno esapw wor eimwumwu non, ngeni emon me emon chon sukuun, chon angang, famini me ewe chóchón aramas non ach ei kinikin.

PWAN EW ewe Board of Directors seni Salem-Keizer Public Schools ra pwon pwe repwe tumwunu met ei a pwunguno me repwe kakaton, siwini ika pwe mei namot an epwe siwin, me enükünükü iteiten ier.



Osvaldo F. Avila, Chairperson, Board of Directors
Salem-Keizer Public Schools

9/14/21

Date